

स्वा॒हाकृतस्य॒ धर्मस्य॒ म॒धोः पि॒बतम॒श्विनेत्य॒श्विनावे॒वैतदा॒हाश्विनी॒ क्ये॒त॒द्यज्ञस्य॒  
 शि॒रः प्र॒त्यध॒त्तां ता॒वे॒वैत॒त्प्रीणा॒त्यवर॑ स्वा॒हाका॒रं करो॒ति परां॑ दे॒वता॒मसा॒वेव  
 ब॒न्धुः ॥ १६ ॥ अथ॒ कु॒बोर्ध॒मुत्क॑म्पयति । दि॒वि धा॒ इमं॒ यज्ञ॒मिमं॒ यज्ञं॒ दि॒वि धा॒  
 इत्य॒सौ वा॒ऽआदि॒त्यो ध॒र्मो यज्ञो॒ दि॒वि वा॒ऽएष॒ हितो॒ दि॒वि प्र॒तिष्ठि॒तस्तमे॒वै॒  
 त॒त्प्रीणा॒ति तस्मा॒दाह॒ दि॒वि धा॒ इमं॒ यज्ञ॒मिमं॒ यज्ञं॒ दि॒वि धा॒ इत्यनु॒वषट्कृ॑ते जु॒  
 होति ॥ १७ ॥ स्वा॒हाग्नये॒ यज्ञिया॒येति॑ । त॒त्स्विष्ट॑कृद्वा॒जनम॒ग्निर्हि॒ स्विष्ट॑कृहं॒ यजु॒र्भ्य  
 इति॒ यजु॒र्भिर्क्षे॒षोऽस्मि॒लोके॒ प्र॒तिष्ठि॒तस्तान्ये॒वैत॒त्प्रीणा॒त्यवर॑ स्वा॒हाका॒रं करो॒  
 ति परां॑ दे॒वता॒मसा॒वेव ब॒न्धुः ॥ १८ ॥ अथ॒ ब्र॒ह्मानु॒मन्त्र॑यते । ब्र॒ह्मा वा॒ऽअ॒वि॒ज्ञां  
 भिष॑क्तमस्त॒द्य ए॒वऽवि॒ज्ञां भिष॑क्तमस्ते॒नैवैन॑मे॒तद्यज्ञं॒ भिष॑ज्यति ॥ १९ ॥ अ॒श्विना  
 ध॒र्मं पा॒तमि॒ति । अ॒श्विना॒वे॒वैत॒दाहा॒श्विनी॒ क्ये॒त॒द्यज्ञस्य॒ शि॒रः प्र॒त्यध॒त्तां ता॒वे॒वैत॒  
 त्प्रीणा॒ति ॥ २० ॥ हा॒र्द्वा॒नम॒हर्दि॒वाभि॒वृ॒तिभि॒रिति॑ । अ॒निरु॑क्तम॒निरु॑क्तो वै प्र॒जाप॒  
 तिः प्र॒जाप॒तिर्यज्ञ॑स्त॒त्प्रजा॒पति॑मे॒वैत॒द्यज्ञं॒ भिष॑ज्यति ॥ २१ ॥ त॒न्नायि॒णऽइति॑ । एष  
 वै त॒न्नायो॒ य एष॒ तप॑त्येष॒ ह्योमा॑लोकांस्त॒न्मिवा॒नुसं॑चरत्येष॒ उ प्र॒वर्ग्य॑स्तदे॒  
 तमे॒वैत॒त्प्रीणा॒ति तस्मा॒दाह॒ तन्नायि॒णऽइति॑ ॥ २२ ॥ न॒मो द्या॒वापृ॑थि॒वीभ्या॑मि॒ति  
 । तदा॒भ्यां द्या॒वापृ॑थि॒वीभ्यां॒ नि॒कृते॒ ययो॒रिदं॑ स॒र्वम॒धि ॥ २३ ॥ अथ॒ य॒ज्ञमा॒नः ।  
 य॒ज्ञो वै य॒ज्ञमा॒नो य॒ज्ञेनै॒वैत॒द्यज्ञं॒ भिष॑ज्यति ॥ २४ ॥ अ॒पाता॒मश्वि॒ना ध॒र्ममि॒ति ।  
 अ॒श्विना॒वे॒वैत॒दाहा॒श्विनी॒ क्ये॒त॒द्यज्ञस्य॒ शि॒रः प्र॒त्यध॒त्तां ता॒वे॒वैत॒त्प्रीणा॒ति ॥ २५ ॥  
 अ॒नु द्या॒वापृ॑थि॒वीऽअम॑सातामि॒ति । तदि॒मे द्या॒वापृ॑थि॒वीऽआह॒ ययो॒रिदं॑ स॒र्वम॒  
 धी॒हैव॒ रा॒तयः॒ सन्वि॒ती॒हैव॒ नो ध॒नानि॒ सन्वि॒त्ये॒वैत॒दाह॒ ॥ २६ ॥ अथ॒ पि॒न्वमा॒  
 न॒मनु॑मन्त्रयते । इ॒षे पि॒न्वस्वे॒ति वृ॒थ्यै तदा॒ह यदा॒हेषे॒ पि॒न्वस्वे॒त्यूर्जे॒ पि॒न्वस्वे॒ति  
 यो वृ॒ष्टादृ॒ग्यसो॒ ज्ञाय॑ते तस्मै तदा॒ह ब्र॒ह्म॒णो पि॒न्वस्वे॒ति तद्ब्र॒ह्म॒णोऽआह॒ क्षत्रा॒य  
 पि॒न्वस्वे॒ति तत्क्षत्रा॒याह॒ द्या॒वापृ॑थि॒वीभ्यां॒ पि॒न्वस्वे॒ति तदा॒भ्यां द्या॒वापृ॑थि॒वीभ्या॒